

AKASHVANI AIZAWL

REGIONAL NEWS BULLETIN

HEADLINES (EVENING)

- 1. Larsap General (Retd) Vijay Kumar Singh-a'n hnam dangte hnam ziarang, nunphung leh tih dan hriata zah sak a tul thu a sawi.
- 2. Chief Minister Pu Lalduhoma’n ZPM Sawrkar hnuaia hnathawh hrang hrangah chhia a awm chuan action an la dawn a ti a, Project Monitoring Committee in hnathawh hrang hrang an endik zel dawn tih a sawi.
- 3. Karleh Thawhlejni-a Dampa bial By Election lo awm tur atan Party hrang hrangin campaign beihpui an thlak chhunzawm mek.
- 4. Bihar assembly inthlan thawh khatna, naktuka nei turin ruahmanna peihfel a ni.



GOVERNOR

Larsap General (Retd) Vijay Kumar Singh-a'n hnam dangte hnam ziarang, nunphung leh tih dan hriata zah sak a tul thu a sawi.

He thu hi nimin tlaia Raj Bhavan Durbar Hall-a state leh Union Territory 11- Delhi, Lakshadweep, Puducherry, Haryana, Kerala, Karnataka, Madhya Pradesh, Punjab, Tamil Nadu, Uttarakhand leh Jharkhand-te dinchamphaphak 'Foundation Day' lawmnaah sawiin, Larsap General (Rtd) Vijay Kumar Singh chuan Prime Minister hmalakna 'Ek Bharat Shreshtha Bharat' chu hnam hrang hrangte inpumkhatna leh inunauna tha siam tura ruahman a nih thu a sawi a. India rama State/UT tin te'n danglam bikna an neih thu sawiin, India ram intodelh 'Vikshit Bharat@2047' ni tura hmalam min pan tirtu pawimawh tak a ni, a ti a. Midangte hnam ziarang, nunphung leh tih dante hriata zah sak a tul thu sawiin, kalkhawmte chu an kalna hmun apiangah mahni state ziarang, nunphung leh tih dante chawilara midangte zirtirtu nih tum turin a chah a ni.

Byte : Governor

He hunah hian state leh UT 11 Larsap te thuchah ngaihthlak a nih bakah state tin aiawh mithiam hnen atangin an State chanchin tawi ngaihnawm tak ngaihthlak a ni a, ICAFI University leh NIT Mizoram zirilaite'n cultural item an nei bawk a ni. Ek Bharat Shreshtha Bharat programme kaltlang hian India rama State leh UT hrang hrangte dinchamphaphak Foundation Day lawmna chu Mizorama Raj Bhavan-ah Governor kaihhruaiin June, 2023 atang khan buatsaih tan a ni.



UNION MOS

Dampa bial by-election atana campaign tura lo zin Union Minister Pu George Kurian-a'n Mizoram a Kristian ten BJP hlah an inzirtir thin chu mak a tih thu leh Politics-a inbeihna mai mai a nih thu a sawi.

Union Minister of State for Fisheries, Animal Husbandry and Dairying, and Minority Affairs changtu, Pu George Kurian hi zankhat riak turin vawiin khan Mizoram a lo thleng a, Dampa Bial chuanchung lama khaw hrang hrang a tlawh kual dawn a, vawiin vek khan Darlung Khua ah Public Meeting neiin, Pu George Kurian chuan Mizoram a Kristian ten BJP hlah an inzirtir thin chu mak a tih thu sawiin inremlohna leh harsatna engmah a la tawk ngailo a ti a, BJP hlau tura inzirtirna chu Politics-a inbeihna mai mai niin a sawi a ni.

Pu George Kurian chuan vawiina Dampa biala a lo Campaign nachhan chu hmasawnna an hmuh ve theihna tur atan a ni a ti a, BJP in an thupui ber chu hmasawnna a nih avangin Mizoram chu state hmasawn nih theihna kawng tha tak an tan a inhawng a ti a, Darlung an rawn thlen nan kawngpui zim leh chhe tak an paltlang tih sawiin, State Sorkarin a ngaihthah zia a hmuhin lungchhiat thlak a tih thu a sawi a. Dampa bial chuan kawngpui tha tak an mamawh a, kuthnathawktute tan Link Road te an mamawh tih sawiin Pu Lalhmingthanga an thlang tling a nih chuan an pe dawn a ti a, hmasawnna tak tak thleng tur chuan Delhi leh Dampa thlun zawm a ngaih thu a sawi a ni.

<><><>

CM

Chief Minister Pu Lalduhoma'n ZPM Sawrkar hnuaia hnathawh hrang hrangah a chhia a awm chuan action an la dawn a ti a, Project Monitoring Committee in hnathawh hrang hrang an endik zel dawn tih a sawi.

Vawiina Siaha Bazar Traffic Point-a ZPM Vantlang inkhawm a hmanpui na ah he thu hi sawiin Pu Lalduhoma chuan ZPM sorkarna hnuaia Monitoring Committee chuan Project 40 chuang an endik tawh a ti a, an sawrkar hmaa hnathawh chu chhe viau mahse hnathawhna pekchhuah tawh anih avangin thlak danglam a harsa tawh a ti a, an sawrkar hnuah erawh hnathawh a tha tawh dawn tih a sawi.

Chief Minister chuan an sawrkar hnuah a hun taka office kala ahun taka ban a ni tawh tih sawiin, sorkar hnathawh te chu mipui chhiah tlingkhawm atanga hlawh nei an ni a, an sorkarah chuan an hnathawh hunbi te chu an vil reng a, hun bi nei a thil an kalpui tawh a vang in hnathawh pawh a sawt tawh hle tih sawiin ZPM Sawrkar hnuaiah a hun taka hlawh lak ani tawh tih a sawi.

Vawiina hun hmanah hian ZPM Leader hian mi 1342 chu ZPM party ah a lawm lut a, ZPM Leader in a lawmluh zingah hian MDC ni lai pathum bakah party-a mi 1342 lai lut thar chuan an sorkar hnathawh that zia a lantir thu a sawi.

<><><>

PLASTIC FREE CITY CAMPAIGN

Aizawl Chawnpui Veng chuan Faina beihpui an kalpuina kal zelah ram leilung venhim nan Plastic Bottle an leikhawm.

Chawnpui Branch YMA hnuaia “Faina Beihpui Komiti” chuan faina beihpui an kalpui mekah tukin khan Plastic Bottle leh Sarang chu Kg 1 cheng 30 zelin an leikhawm a, nilengin leikhawm hun an hawng a, kg 150 chuang an lei khawm a, heng Plastic bottle ruak leh Sarang thahnem tak an lei te hi paih mai lovin a theih chinah thil thangkai tak siam nan hman dan an ngaihtuah dawn a ni. Chawnpui Branch YMA hruaitute chuan he an thil tih hian ram leilung chhe zel tur venna tur leh luia nungcha chereu zel tur venna atan leh, kumtin a thleng thin leimin nasa tak venna kawngah engemaw chen chu a puih ngei an beisei tih an sawi a ni.vengchhung mi thahnemngai ten cheng nuai hnih chuang an thawhkhawm atangin kawng hrang hrangin hma an la tih an sawi.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.

<><><>

CAMPAIGN TRAILS

Karleh Thawhlejni-a Dampa bial By Election lo awm tur atan Party hrang hrangin campaign beihpui an thlak chhunzawm mek.

Union Minister of State f Pu George Kurian chuan Dampa bye-election lo awm tura campaign turin vawiin khan Mizoram a lo thleng a, Lengpui tumhmun atangin Darlung a pan nghal a, hmun hrang hrangah BJP Candidate Pu Lalhmingthanga tan a campaign ang.

MNF candidate Dr. R. Lalthangliana chuan vawiin khan West Lungdar, Chungtlang, Rulpuihlim, Reiek leh Ailawng khuaah kalin, ZPM Ex-Unit President hovin mi eng emaw zat a lawm lut a. MNF Candidate chuanss enchhin boruak a reh tawh a, rawng Eng chu a dal tial tial a, a pawl rawng a tak tial tial tih sawiin thlantlin a nih chuan zirna In leh Nu leh Pa rûm mekna Thalai ruihhlo ngaite chhanchhuak turin NGO leh Kohhranho nen tangkawpin theih tawpa hmalak a ni dawn tih a sawi.

MPCC President Pu Lal Thanzara pawhin Dampa bial bye election lo awm tur atan W Phaileng ah Congress worker ten infuihtharna hun an buatsaih a hmanpui a. Pu Lal Thanzara chuan Mizoram Chief Minister Pu Lalduhoma’n Silisuri khuaa a campaign na ah Chakma vote duh avangin chi leh chi inhuatna lam rawngkaiin thu an sawi a ti a, Chief Minister in Chakma te fuihpawrh zawnga thu a sawi chu pawin an tih thu sawiin Mizoramah Congress an sawrkar loh chuan mipui te tawrhna a thleng thin tih sawiin Mizoram mamawh ber chu Congress sawrkar tir leh a ni a ti tih a sawi.

ZPM pawhin campaign chhunzawm zelin Adviser to CM (Finance) Pu TBC Lalvenchhunga chuan State sawrkar pawmpuina tellovin state chhunga hmasawna hnathawh sawrkar laipuiin a sanction ngailo a ti a, Bye Election Campaign-naah eptu party ten State sawrkar thlawhkhumin bial chhungah Central atangin

Development Project huilut thei angin an insawi chu thu belhchian dawllo ani tih sawiin ZPM sawrkar hriatpuina zel a ngaih thu a sawi bawk.

<><><>

AMC

Aizawl Municipal Corporation chuan UCO Bank Corporate Social Responsibility (CSR) atangin chhiatna thlen thulha hman tur Emergency Response Vehicle a dawng.

UCO Bank hian ERV atan hian Mahindra Bolero Camper leh a body siam danglamna tur sum leh hmanraw thahnem tak cheng nuai 15 man chu nimin khan AMC Mayor Office Chamber-ah a hlan a, AMC aiawhin Pu Lalrinenga Sailo, Aizawl Mayor in thilpek hi dawngin Pu Lalrinenga Sailo chuan AMC hmalakna te a hlawhtlinna tura UCO Bank-in Motor leh hmanrua tha tak tak AMC an pe chu a lawm thu sawiin, Aizawl mipui tan tangkai taka hman a nih dawn thu leh UCO Bank nen thawhhona tha tak an nei chu a lawmawm a tih thu a sawi a ni.

AMC Board of Corporators meeting-in Emergency Responsive Team din tura a lo pawm tawh angin AMC chu Aizawl khawpuiah chhiatna hrang hrang a thlenin AMC hminga a tul anga thawk chhuak thei turin hma a la mek a. Disaster Response Squad nei ve tura hma lain Zotrek te nen thawh hona a siam tawh bawk.

<><><>
<><><>

BIHAR 1ST PHASE POLLING

Bihar assembly inthlan thawh khatna, naktuka nei turin ruahmanna peihfel a ni tawh a, district 18 huamchhunga assembly bial 121-ah zing dar 7 atangin mipuiin an aiawh tur thlangin vote an thlak ang.

Thawh khatnaah hian candidate 1314 awmin vote nei mi vbch 3 leh nuai 75 an awm a, candidate zingah hian hmeichhia 122 bakah mipa atanga hmeichhiaa inlet, transgender 1, Priti Kinnar-i te an tel a ni. Candidate langsar zual zingah minister ni lai 16 bakah Dy Chief Minister 2 an tel a ni.

Tangrual pawl NDA atangin JD(U)-in seat 57 an chuh a, BJP-in seat 48, LJP (Ram Vilas)-in seat 14, Rashtriya Lok Morcha-in seat 2 an chuh a ni. Eptu party tangrual pawl, Mahagath Bandhan atangin RJD-in seat 73 an chuh a, Cong-in seat 24, CPI(ML)-in bial 14 an chuh bawk a, party thar, Jan Suraj Party-in candidate 119 an nei bawk a ni.

<><><>

NEW YORK MAYOR ELECTION

America-a New York khawpui mayor tur thlanna neihah Democrat candidate, Zohran Mamdani-a a tling a, independent-a ding, Andrew Cuomo a hneh a ni. Kum 1991-a piang, Mamdani-a hi New York mayor naupang ber tur anih bakah Muslim, he dinhmun chelh hmasa ber tur a ni a, kum thar, 2026 Jan ni 1-ah lak luh a ni ang.

<><><>